

Kefinin-Meon ren Pwachetin Meinisin

Oregon e tingor ren ar repwe tongeni emweni mwokutukutun ew coordinated care organization (CCO) kefinin-meon ren pwachetin meinisin pwe epwe awora chon mochen kamenong non health equity, manawen nour senis ren ar meonatiw met aninnis ren health e wor, fengen me cheunon ren an epwe naaf ngeni niwinin angangen ewe prokrammen CCO me affat ukuukun an wattenno pwe epwe taitap ngeni niwinin an state.¹ Ei minafeo kefinin-meon ren pwachetin meinisin epwe affata ifa ukuukun an wattenno non ew ttamen fansoun me emecheresi ngeni ekkan CCO me chon awora, pwe epwe mecheres ngeni chon kamenong ren tumwun me aninnis ren health e wor pwe epwe foreochuu nonnomwun aramas me ekukkunatiw fansoun an epwe wor niwinimmang ngeni pioing ese naaf ngenir.

Ei kefinin-meon ren pwachetin meinisin ina epwe pwan eniwini noun aramas senis non an delivery system: esapw chiwen kawor niffangen mwoni ika chon fiti Medicaid re semwen nge ra kut ar safei. lei, chon CCO repwe wiisen tumwunu chon fitir me kamenong non met aninnis e wor ika chon fitir ra poputa ne chikar sefan, ika mwo ir mei osupwang, pwe epwe wor manaw me pochokkun ren kaworen angangen tumwun ngeni chon fitir.

Non ei 1115(a) renew ren taropwen siiwin, Oregon e tingor an epwe mecheres ei taropwen siiwin ren an Medicaid fini meon niwinin ar angangen tumwun (CCO), non ar foreochuu pwe epwe naaf ngeni aramas niwinin, pwe epwe tongeni tufich ar mochen non an affat asan ei. Napengeni, Oregon e tingor an epwe tongeni wiisen:

1. Apacha ukuukun ar pwachet (ren kefinin meon) an epwe naaf ngeni meon niwinin aninnis ar nennengeni nonnomwun aramas, non ar katon met re meoni me non ekkewe ier sia tou seni, met re meoni non ekkei fansoun, me met re meoni ren aninnisin health.
2. Repwe sinei feffetanin niwinin non nimwu ier, nge resapw pwan apacha sefan ukuukun ar pwachet iteiten ier.
3. Awattei fansoun ar repwe sinei feffetanin niwinin non ar katon niwinin safei, repwe pwan etiwau ekkoch safei me non ar tetten ika pwe mei ffat pwe ese wor, ika ese naaf, kaworen pisekin pwarata pwe mei iiman.

Osukosuk me Porousan

Porousen an aramas health ese fisita ren met sokkun aninnisin safei mei kawor ngenir nge ren porousen nonnomwur, awewe ren nenier me ia re nonom ia, kaworen mwongo mei faitamiin ngenir, fengen me ar angang me nour mwoni.² Oregon a poputa ne kuna pwe sipwe siwini nonnomwun aramas ren ar health pwe epwe meokukkununo niwinin ar safei me awora manaw me pochokkun.³

Pwan ew, an Oregon ekkei Tiu Einangen Intian mei Affat meren chon Federal me pwan ekkoch ar Einang, chon Latino/Latina/Latinx, chon Niko/Afrika, chon Asia, chon Pasifik, me pwan chon Intian/Alaska, aramas mei

¹ Annual per capita spending target that will apply across all health care markets beginning in 2021

² Magnan, S. (2017). Social Determinants of Health 101 for Health Care: Five Plus Five. National Academy of Medicine.

³ <https://www.kff.org/racial-equity-and-health-policy/issue-brief/beyond-health-care-the-role-of-social-determinants-in-promoting-health-and-health-equity/>; <https://www.commonwealthfund.org/sites/default/files/2019-07/COMBINED-ROI-EVIDENCE-REVIEW-7-1-19.pdf>

sokkofessen enuwen inisir, aramas mei wor ar apwangapwangen inis, aramas rese konnien sinei fosun Merika, chon etto repwe nonnom Merika me chon esusu seni fonuwar, iir ekkei minne-ka porousen nonnomwur mei osupwang fengen me ar health ese kon pochokkun, e feito seni chokukkunun chon kamenong meren kafomonun state me federal. Ei mwuun semwenin COVID-19 mei affata ei porous, ren an aramas mei sokkofesen enuwen inisir feiengaw seni, nap seni ekkan aramas mei pwechepwech.⁴

Ei system ren angangen tumwun meren ekkoch organization ese naaf met re awora ren manawen senis ren noun chon kamenong ren health, eppetin samwau, kaworen chikar, ika manaw me pochokkun. Non ekkei fansoun, ekkan organization re wiisen tumwun me chon angangen tumwun ir mei kame, anongonong won ifa ukuukun an emon semwen me fite ukuukun kaworen aninnis ngenir. Ren porousan, ekkan organization re wiisen tumwun ir mei kuna pwe mei wattenon niwinir iteiten ier ika chon fitir ra semwen me kut ar aninnis me/ika kukkununo niwinir me ekukkunatiw meon niwinir ika aramas ir mei nonnomweoch me rese safei. Ei porousen niwinir ammen ngaw seni menom ren ar repwe fori angangen eppetin samwau, angangen tumwun, me pwan kaworen ekkoch safei mei meokukkun ren health me aninnis ngeni aramas.

Non atun an Oregon efisi ei CCO me ei Medicaid angangen tumwun non ewe 2012, ar ewe mochen nge ren ar repwe siiwin seni kaworen aninnis ren angangen health ngeni pwan ew mei minafo: aramas repwe wiisen nemenem won ekkan organization ren ar repwe siwini ar angang pwe repwe fori angangen epochokkunen an aramas health me tumwunun health ren aramas unus. Oregon e mochen etiwa angangen niwinin kamenong ren tufichin ekkei ruu anean:

1. ochu angangen inis, ekiek me angangen ngii fengen pwe ew chok organization epwe wiisen meoni niwinin tumwunun aramas me ar health; me
2. siwini feffetanin mwoni tonong ren angangen tumwun pwe epwe wor niffangen mwoni ngeni aramas re kamenong non ren an pochokkun, nge esapw ren ar samwau.

Me fan nurun an Oregon ewe CCO angangen niwinin kamenong, ar ewe anean nge repwe kuna ewe system ren angangen health siwini feffetanin nour mwoni ngeni angangen eppetin samwau pwe esapw wor fansoun niiwing; ren awewe, epochokkuna ar kamenong non health ren angangen semwenin non ekiek pwe esapw wor fansoun no ngeni pioing. Pwan ew ar anean nge ar repwe kuna wattenon kamenong ren angangen health, ika epochokkun – awewe ren ar repwe awora met mei auchea ngeni aramas, ren imweimw me mwongo – pwe epwe wor pochokkunen health me esapw wor fansoun ar no pioing.

Mei wor tufichin an Oregon angang ren ar ochuu niwinin kame ren niwinimangen aninnis health; nge, me fan nurun met an federal mochen ren meon niwinin, sise mwo kuna an siiwin niffangen kamenong ren tufichin met ach mochen. Ei angangen kefinin-meon ren pwachetin meinsin ese mwo konnien ffat ngeni chon Oregon. Napengeni, niwinin ekkan CCO e anongonong won niwinin tumwunun an emon me emon samwau, sopweno ar rese mochen siwini feffetanin nour mwoni ngeni angangen aninnis eppetin samwau, me fori met epwe meokukkun ren.

Oregon mei achocho ne angang ngeni met an CMS mochen ren meon niwinin angangen tumwun ren ar repwe siiwin ngeni kaworen niffangen mwoni ren epochokkunen an aramas health. Ika mwo Oregon mei fori ar angang ren an epwe siwini meon niwinin non ekkei fansoun (nongoni masowen ena pwor won ena ew peich), ekkei angang ese naaf ren an epwe siwini angangen an CCO kame. Non an wattenon, Oregon ese kuna an siiwin

⁴ <https://www.kff.org/racial-equity-and-health-policy/issue-brief/disparities-in-health-and-health-care-5-key-question-and-answers/>

feffetanin noun ekkan CCO mwoni ar repwe kamenong won angangen aninnisin epochokkunen health. Ar kamenong non angangen aninnisin epochokkunen health nge 0.7% me non an ekkan CCO pwachet. An Oregon ewe angangen pwachetin meinisin ita epwe awora porous me nein aramas ren ifa ussun a repwe siwini feffetanin ar kame pwe epwe tongeni tufich an aramas mochen me nounouepoch mwoni pwe epwe awatteno tufichin an aramas health. Nge, feffetanin niwinin kame non an Oregon ei system ren tumwunun health (awewe ren kaimwuun niwinin ren safeien inis, safeien semwenin ekiek me safeien tumwunun ngii) mei chok taitap, apwari pwe niwinin ar kame mei etto seni nomw me pochokkunen marketin, nge rese ekiei epochokkunen an aramas health. Oregon ese tongeni wesetan siwini osupwangen aramas ika siwini an aramas opwut aramas me pochokkunen an emon me emon non ar angangen health system, ika pwe ena niffangen mwoni ese no ngeni angangen epochokkunen an aramas health me awora an aramas porous ren ar repwe akkomwa aninnisin manaw me pochokkun.

Feffetanin meon niwinin tori ikenai

Meon niwinin ekkan CCO e feito seni ew angangen mei sissiwini iteitan ren ar mochen an epwe kawor aninnis mei meomong nge epwe meokukkun ngeni aramas me ekukkunatiw fansoun an epwe wor chon urumwotei me sonani noun aramas mwoni, non ar foreochu ar angang mei murinno. Ren awewe:

- **Porousen state unus.** Non ei 5-ier contract chon CCO re angei non ewe 2019, OHA mei mwuutata ar repwe nounou porousen state unus ren ar repwe fori angangen kefinin meon niwinir. Re fori ei fan iten an epwe ekukkunatiw fansoun en ew CCO epwe awattei meon niwinin me ar resapw tongeni soun ekieta niwinin, pwe repwe fori met epwe naaf ngeni an aramas repwe kame ren ar nounou aninnisin.
- **Prokrammin Niffangen Angang.** Non 2022, OHA epwe awora ew Prokrammin Niffangen Angang (PBR), ew prokram mei ketiw non am ewe renew noum taropwen siiwin pwe epwe awora niffangen angangen aninnisin health me nounouepochun mwoni tongong, ika re tumwunepoch non ar angang. Ei PBR e fori angangen ren ukuukun an en CCO profit me fite ukuukun ar kame ngeni en HRS, pwe epwe chommongeno chon mochen kamenong non ekkan aninnis ngeni aramas. Ei angang mei tumwun seni ewe "premium slide" minne-ka met mei meokukkun e ngawengeni en CCO, ren awewe, ika meon niwinin e fisita seni meon niwinin menomw, nge ekkan CCO ra kuna pwe a kukkunutiw meon niwinin ar aninnis iteiten ier.

Oregon e tingor ar repwe tongeni nounou angangen kefinin meon ren ew minafeo, kefinin-meon ren pwachetin meinisin pwe epwe mecheres ne awora fansoun an ekkan aramas fengen me ekkan CCO repwe weweiti, pwe repwe fatafateoch ren feffetanin ren ei state me aramas non. Mei auchea an epwe ffat pwe ren an wor kamenong non en health equity ika anennepokun tumwunun health, eppetin samwau, me angangen tumwun, ekkan CCO repwe kuna pwe epochokkunen an aramas health epwe awora ar mwoni tonong. Ei minafeo angangen epwe chuu ngeni epochokkunen nemenem ngeni met an aramas mochen, fengen me meon angangen aninnisin health pwe epwe kawor ngeni meinisin me feito seni aramas unus.

An Oregon ei mochen awora siiwin pwe epwe fisita ew kefinin-meon ren pwachetin meinisin, sipwe utiwitin met ekkei epwe fis:

- Epwe chommongono aninnisin angangen health fengen me emecheresi angangen anneani fitu aninnisin angangen health e kawor pwe epwe wor ar "credit" non en kefinin meon (pwe ina ennukun me fan nurun en prokrammin Niffangen Angang). Watte mwoni tongong non ekkan angangen aninnisin health epwe efisi:
 - Mwoni tonong non aninnisin an aramas health pwe epwe awora aninnis ngeni ese nifinifin
 - Mwoni tonong ngeni ekkan aninnisin eppetin samwau
- Watteno tumwunun inis me aramas mei watte ar niwinimmang, pachenong aramas re siwini ar nenien insurance me siwini nonnomwur: siwini ar napanap, Oregon State Hospital, nenien tumwunun semwenin ekiek, nenien anomwu semirit – pwe ren an fatafateoch niffangen mwoni ren ar tumwunu pwe ar angang epwe murinno.
- Ekukkunatiw mwoni tonong non ekkan neni ese wor tumwun me nomwotongaw ar angang ren an ekkan CCO amweta nour mwoni ngeni aninnisin eppetin samwau me angangen tumwun.
- Kaworen esissinen an ekkan CCO angang ngeni nour aramas ren ifa ussun ar nounou nour mwoni seni ar kefinin-meon ren pwachetin meinsin.
- Feffetanin meon niwinin e anongonong won met ar mochen mei affat (katon masowen en pwor fan) fengen me mei taitap ukuukun niwinin ar kame ngeni niwinin kame non unusen an Oregon system ren tumwunun health.


Chuunapen an Oregon ei angangen kefinin-meon ren pwachetin meinsin nge ew angangen tufich ngeni meinsin. Ei angang nge ren isoisin mwoni ren tumwunochun nounoun pwe epwe murinno angangen ren aninnisin health, nge esapw ren an ese wor aninnis ika mecheresingaw ne tufichin angei.

An Oregon ei CCO angang ew minafeo mei pwan meokukkun. Nge, angangen an meokukkun mei mecheresingaw. Aramas non Oregon ir mei noniinen ren housing, an wor monumon ren climate change, fengen me tufichingaw ren an wor kopwut ngeni aramas – wewen pwe napengeni, epwe keki niwinin aninnisin tumwun ngenir.

Ei angangen kefinin-meon ren pwachetin meinsin mei affat non ei taropwe epwe awora niffangen kame aninnisin tumwunin health ngeni ese nifinifin **non ar anisi Oregon an epwe kunnuseni kekiin niwinin.**

Non en *Focused Equity Investments* taropwe, am mei affata pwe en federal me state mwoni epwe tufich ren am angangen awora mwoni tonong, etta won 3.0-3.4% (me non meinsin market, esapw chok Medicaid) epwe wor nounoufengen non ach ei state pwe epwe wor kamenong non ach agangettam pwe epwe awora tufichin aninnisin health ngeni ese nifinifin. Ren ach katon, niwinin Medicaid epwe etta won 4.9% non ier 2022 ngeni ier 2028.⁵

⁵ NHE Projections (national), Table 17 - NHE Projections 2019-2028



Affaten angangan

Ika mwo met epwe wor ren pochokkun me ukuukun manaw mei etto seni nonnomwun aramas me ar eoreni, angang me apwapwa, ei US system ren tumwunun health mei onussa fite pinion nour mwoni iteiten ier won aninnis mei namwotongaw, angangangaw, me meommong. Ren siwinin me emecheresin met tufichin, Oregon e mochen amweta nour mwoni ngeni ekkan pekin aninnis epwe anisi aramas ren ar health me mwoni tonong ren ekkan aninnis ese pachenong non an ekkan tokter tufich, pwe epwe kawor ngeni aramas ese nifinifin fengen me epochokkuna an aramas health.

Oregon e tingor an epwe mecheres nour taropwen siiwin ren an ekkan CCO kefin niwinin ar aninnis, pwe epwe meoeoch ren an epwe tongeni wor tufichen ekkei anean mei affat asan. Napengeni, auwe tingor am aupwe tongeni:

- Apacha ifa ukuukun pwachet (ren niwinin) non am nounou porousen non ekkewe nimwu ier sia tou seni ren nounou me kame, fengen me nennengeni porousen ikenai pwe aupwe tumwuneochu pwe niwinin epwe meoeoch me naaf ngeni niwinin aninnis me nonnomwun aramas, epwe pwan ffat feffetanin mwoni ngeni aninnisin tumwunun health. Ei pwachet epwe anongonong won ir me ruu ekkei porousen niwinin safei menomw fengen me fite e no ngeni aninnisin tumwunun health, pwe epwe wor niffangen kamenong non ekkan angangen eppetin an aramas repwe mwitir maano.
- Fori angangen fofforun pwachetin non ukuukun nimwu ier pwe epwe achas ena pwachet ngeni an unusen Oregon niwinin aninnisin health, fengen me pwan achas ren met sise kuna an fisita, nge esapw wor angangen fofforun pwachet sefan iteiten ier.
- Affaten ukuukun niwinin ren ach katon niwinin safei, ren an epwe wor angangen ekkesiwinin ika katou ren safei ese wor ika ese naaf an pisekin pwarata pwe mei wor iimanan. Ei angang ina epwe pwan ekukkunatiw niwinin safei epwe kawor non weiweita pwe esapw awora fansoun an epwe siiwin ika kekiita niwinin.

Ren tumwunun an chon fiti OHP pwung ren an epwe kawor ngenir met aninnis Medicaid mei awora me ketiwen met ita ururun esapw fis ren ei taropwen ekkesiwin, Oregon epwe apachanong ekkei:

Angangen ketiw #1: Awora prokrammin tumwun ren tumwunun aramas ren ar kakkaton ukuukun me an ekkan CCO esinesin ren kawor, eochun, me fofforun pwe epwe tumwunu an epwe chok kawor met ese mwuumwuuta ika met ita rese tongeni tufichin angei ren aninnis.

Angangen ketiw #2: Awora angangeochun tumwunun mwoni, pachenong tumwunun aean me kame, tumwunu an ekkan CCO komwus me tumwuneochu pwe nour mwoni epwe naaf ngeni niwinin aninnis, awora angangen achassun pwachet ren met rese kuna pwe epwe fisita, aweve ren ekkan minafo safei mei memmong nge ina esapw naaf niwinin aninnisin health ngeni meininis chon kamenong.

1. Apacha ukuukun ar pwachet (ren kefinin meon) an epwe naaf ngeni meon niwinin aninnis ar nennengeni nonnomwun aramas, non ar katon met re meoni me non ekkewe ier sia tou seni, met re meoni non ekkei fansoun, me met re meoni ren aninnisin health.

Ren ar repwe poputa ne awora pekin tumwun mei murinno, mei auchea an Oregon epwe awora ew kefinin-meon ren pwachetin meininis ren ekkan CCO nge epwe mecheres me ffat feffetanin non ekkei fansoun mwach, fengen me etiwau ekkan niffangen angangen tumwun ese namwot. Ren nounoun en kefinin-meon ren pwachet, ekkan CCO repwe awora ekkan pekin tumwun mei murinno nge esapw ren ar repwe awattei ar kame pwe epwe keki niwinin non en ier mwirin.

Me fan nurun an Oregon ei taropwen ekkesiiwin, ei state epwe etiwa ew statewide, meoeochun CCO kefinin-meon pwachet epwe taitap ngeni angangen ekkan pwachet ikenai, me nukun ekkei ruu:

- Ren angangan non ew fansoun nakattam (tori nimwu ier) ren nounoun porousen nomw pwe epwe wor nukunuk pwe mei naaf ena pwachet, me
- Apachanong niwinin anangen aninnisin health, fengen me niwinin aninnisin state, tori ew fansoun etta won nimwu ier.

Pwan ew, ren angangen an esapw wor nifinifin ren chon angei aninnisin health, Oregon epwe ereni ekkan CCO pwe repwe meoni 3% ren ar pwachet an epwe wor kamenong ren aninnisin health ngeni meininis (me fan nurun ennukun ei Oregon House Bill 3353), minne-ka kukkunun nge 30% epwe no ngeni ekkan aninnis ngeni aramas, itan regional community investment collaboratives (CIC), ren kaworen aninnisin health ngeni ese nifinifin. (Anneani en *Focused Equity Investments* taropwe). Oregon mei mochen an epwe wor ew angangen wiis aramas repwe emweni ren meininis niwinin aninnisin health mei auchea, mei pachenong chon tumwunu feffetanin non state unus fengen me ekkan CIC. Non an affat asan, Oregon e tingor ar repwe wiisen anneani ifa ukuukun kamenong ren aninnisin health me fan nurun HB 3353 epwe pachenong non en niwinin safei ika ra apacha fite meon, pwe ekkan kamenong ren kaworen aninnisin health ngeni ese nifinifin esapw angawano an ekkan CCO mwoni tonong nesor me peonon.

Pwan ew, Oregon epwe wiisen achasini an ekkan CCO pwachet iteiten ier, anongonong won ifa ukuukun mwoni tonong, an epwe taitap ngeni an state mwoni tonong, epwe pwan tumwuneochu an CCO kame pwe repwe sinei ika epwe kapacheta non ar achas ren met mei auchea ika e wor met e fisita.

2. **Repwe sinei feffetanin niwinin non nimwu ier, nge resapw pwan apacha sefan ukuukun ar pwachet iteiten ier.**

Oregon e mochen, ren an epwe kukkunutiw kame ren aninnisin health unus, an CCO pwachet epwe affat fite non nimwu ier taitap ngeni niwinin aninnisin health non state unus, minne-ka epwe 3.0 ngeni 3.4 percent fansoun an a poputa. Ei affaten feffetai niwinin epwe awora fansoun an ekkan CCO repwe sinei ifa ukuukun ar kamenong non aninnisin anennepokun tumwunun health, eppetin samwau, me fofforeochun nonnomwun nour aramas—pwe epochokkunen an aramas health epwe fis fengen me ekukunatiw niwinin tumwunun health nesor me peonon. Ekkan achassin niwinin epwe wor ika mei wor ew siiwin watte an chon CCO kuna,

aninnis mei pachenong, me ukuukun aramas non state unus, ren awewe, non fansoun an watte siiwin ren an kapacheta aninnis ren ei mwuun COVID-19.

Non an kochu ngeni ei angangen fofforeoch me tufichin annean fite angangen aninnisin health me niwinin safei ren kapachen niwinin, ei angang mei mwuutata ekkan CCO ar repwe isois mwoni ren kukkunutiwen aean. Epwe pwan emecheresi an ekkan CCO repwe kamenong non aninnisin tumwun, pachenong ar kamenong ren eppetin samwau, met mei auchea ngeni aramas, fengen me kaworen aninnisin health ngeni ese nifinifin.

Oregon mei pwan kuna pwe ar angangen emecheresin epwe kapach fengen me epochokkunen tumwunun nour aramas, konnien ren an wor chon nifinifin ion epwe kawor ngenir ar aninnisin health. Ren emwuchunon, Oregon mei pwan mochen epochokkuna ar ennuke ren angangen katou, epwe pachenong ekkei ruwanu kinikin: niwinin, an aramas me tokter menemeneoch, mecheresin kaworan, me ukuukun tumwuneochun angang, mei affatetiw porousan won peich. 8.

3. Awattei fansoun ar repwe sinei feffetanin niwinin non ar katon niwinin safei, repwe pwan etiwau ekkochoch safei me non ar tetten ika pwe mei ffat pwe ese wor, ika ese naaf, kaworen pisekin pwarata pwe mei iiman.

Oregon e mochen an epwe tongeni tumwuneochu niwinin safei non en Medicaid prokram, ar fori ekkei ruu angangan:

A. Ar repwe etiwau ekkochoch safei me non ar tetten

Ika ra etiwau ekkochoch safei me non ar tetten ren ekkan mwan me fefin, pachenong ew sokkun safei me non ekkan safei mei taitap ngeni, epwe awora fansoun an en OHA me CCO repwe mwiiich ren an epwe kotur niwinin safe re kame meren chon fori. Oregon epwe apachanong meinisin safei mei kawor ren semirit. Ren meinisin ekkan sokkun safei, chon ffor safei epwe kawor ngenir fite ukuukun ar safei repwe kame nge epwe koturungaw niwinin ar kame senir. Non ei fansoun, OHA me CCO mei mecheresingaw ar repwe ngeni chon ffor safei ifa ukuukun ar safei repwe kame, ren an tichik met sokkun safei mei pachenong non en Medicaid prokram mei kotur niwinin safei. OHA epwe awora ew angangechu epwe pachenong an ekkan CCO repwe tongeni kefin met sokkun safei epwe ketiweu.

Non ekkei ier mei kaneto, napengeni ekkan meinapen angangen aninnisin safei (PBM) ir mei aea ei sokkun ketiweu ren safei, minne-ka mei mwuutata ar repwe tongeni awora ekkan safei mei iiman fengen me meokukkun. Ren awewe, ei 2021 CVS Health mei etiwau 57 sokkun safei me non ar tetten—ekkochoch pwe ren an wor ew sokkun safei mei taitap ngeni nge mei meokukkun seni, nge ekkochoch ren an kekiita niwinin nge ese ffat met wewen me popun an keki niwinin. En Medicare Part D mei pwan mwuumwuuta ar repwe aea ei sokkun angang (me fan nurun e ennuke 42 CFR 423.120) ren kaworen ruu sokkun safei non ekkan kinikinin safei. Medicare Part D mei pwan tongeni awora ew chok sokkun safei me non ekkan kinikinin safei ika pwe ew chok mei kawor me non, ika ren an wor ruu sokkun safei nge ew e iiman mwen ew. Pokiten an en Medicare me pwan ekkochoch sokkun insurance mei mwuumwuuta ar repwe tongeni aea ei sokkun angang, am mei nuku pwe Oregon epwe pwan mecheres ngeni aean ei sokkun angang ren Medicaid.

B. Mwuumwuuta ren ketiweun ekkochoch safei pwe ese wor, ika ese naaf, kaworen pisekin pwarata pwe mei iiman

Mei chommong ekkei safei mei mwuumwuuta meren chon FDA an epwe kawor nge ese mwo wor affaten iimanan, e chok wor an chon sou-tipachem sossot won aramas nge ese ffat ukuukun iimanan. Oregon e mochen an epwe pwisin nennengeni met sokkun safei epwe apachanong non ar tetten pwe nour aramas epwe kawor ngenir ekkan safei mei iiman. Fan iten ei angang, ei state ina esapw onusmwani nour mwoni won ekkan safei mei memmong nge namwotongaw. Ei 21st Century Cures Act e fori angangen an epwe mwittir kawor ekkan safei nge ese tichik kaworen pisekin pwarata pwe mei iiman, repwe chok awora iwe ekkan tokter, aramas, me chon kame repwe pwisin finata ika repwe meoni. Ngawan, ekkan ennuken ese mwuutata Medicaid an epwe pwisin finata met sokkun safei repwe etiwa ika mwo ese wor pisekin pwarata pwe mei iiman.

Oregon e mochen an epwe awora nour taropwen siiwin ren ar repwe tongeni tonau ekkoch safei me non ar tetten ika ese wor, ika ese naaf, kaworen pisekin pwarata pwe mei iiman ren ei sokkun angangan. Ren an ese wor, ika ese naaf, kaworen pisekin pwarata pwe ew sokkun safei mei iiman, wewen pwe ew ika napenon ekkei epwe fis:

- Porousen met e fis nesopwonon ar sossot och sokkun safei won aramas ese wor ika ese ffat.
- Porousen chok an aramas chikar seni och sokkun safei mei kawor.
- Rese kuna ika och sokkun safei mei ika ese wor afeiengawan.
- Ese ffat ika niwinin och sokkun safei epwe naaf ngeni emon ika rese pwan anennengeni pwan ew sokkun safei ussun chok.

Ekkei minafeo safei mei ketiw meren an chon FDA angangen atapwana mei tongeni memmong, ina ren tichikin angangen porousan mei auchea ren an epwe ika esapw mak non am tettenin safei mei ketiw. Pwan ew, aupwe nennengeni ekkan safei a minen nomw pwe aupwe katon ika mei chiwen namwot pwe aupwe pwan tonau me non am tetten. Ekkan chon kame ir mei tongeni ar repwe nengeni met sokkun safei epwe ketiw ika apw non ar angang, nge ese wor an OHA me CCO mwuumwuuta ar repwe ina.

Non am angang, aupwe tumwunu met sokkun safei neum aramas repwe aea, pwe an Oregon angangen tichikin niwinin safei esapw naffangaw ngeni an aramas repwe aea met sokkun safei re mochen aea pwe repwe chikar seni ar samwau.

Tumwunu kaworan ngeni aramas, eochun, me health equity ika anennepokun

Meinisin ekkei angang me pisekin angang epwe affata mecheresin me anen an ekkan CCO, pwe epwe tufich an Oregon epwe siwini angangen an Medicaid prokram – ew epwe awora niffagen anennepokun tumwunun aramas, angangen epochokunen an aramas health me tumwunun health ren aramas unus. Ika mwo, mei auchea an ekkei siiwin epwe fis fengen me epwe pwan wor tumwun an epwe kawor ngeni ese nifinifin met mei eoch, fengen me eppetin kaworen mwoni ren met ese naaf ngeni an emon epwe chikar ika angangen tumwunungaw ngenir. Pwan ew, tumwunun an ekkan CCO esinesin ren feffetanin nour mwoni an esapw chok no ngeni chon kame nour sea ika ngeni chon pisniis nge ena mwoni e etto seni chon tonong fan OHP me ar aramas.

Angangen ketiw #1: Awora ew prokrammin tumwun ren tumwunun aramas.

An Oregon ei angangen kefinin-meon ren pwachetin meinisin nge ew angang epwe emecheresi an ekkan CCO repwe isois nour mwoni ren ar sinei nounoun. Nge, ika ese wor tichikin ar nenengeni, epwe wor afeiengawan ren an esapw kawor tumwunun health ngeni ese nifinifin fengen me an esapw kawor aninnisin tumwuneoch ren ar mochen profit seni ei angang. Ren an esapw fis ei sokkun afeiengaw,

Oregon mei mochen an epwe wor ew angangen nenengneoch ren an ese kawor tumwunun health ngeni ese nifinifin, tumwunun an aramas me nour tokter tufich, me tumwunun an epwe kawor ngeni aramas aninnisin tumwuneoch. Iteiten ier, Oregon epwe fori angangen ar nenengeni ar angang fengen me feffetanin nour mwoni pwe epwe tichiki an ekkan CCO repwe ponuweta ekkei ruwanu kinikin: niwinin safei, an aramas me nour tokter tufich, kaworen aninnis, me aninnisin tumwuneoch.

Akomw, Oregon epwe nengeni ika tumwunun health mei kawor ngeni ese nifinifin ika re kuna pwe mei wor chon esinesin pwe rese pwapwaiti, rese tufichin angei och aninnis, fengen me ika ese wor tumwuneoch pokiten chok ir mei osupwang. Ekkei aramas mei pachenong ekkan Einang an chon Intian me ar tettenin Einang; chon Latino/a/x, chon Niko/Afrika, chon Asia, chon fonuwen non Pasifik, me chon Intian/Alaska, me pwan ekkoch aramas rese pwechepwech; aramas mei wor apwangapwangen inisir; aramas rese kon sinei fosun Merika, me chon etto nonom Merika me chon esusu seni fonuwar. Oregon epwe nounou ekkei pisekin angang:

- loi porous pwe ei State epwe tongeni kuna angangen tumwun ngeni aramas esapw ir mei pwechepwech, ren ar aea en REALD;
- Awora/esinesin fansoun an aramas repwe kapas ika mei wor angangangaw ngeni chon ekis, chon won fonu me kaworen porous non ar fosun fonu;
- Katon ika mei wor angangeoch ngeni aramas unus (awewe ren ar awora chon chiaku);
- Awora ngeni chon CCO pisekin ar angang ren ar repwe sinei an aramas eoreni fengen me kaworen ekkan tokter ir mei angangeoch; me
- Aean pisekin angang ren nounoun en Consumer Assessment of Healthcare Providers and System (CAHPS) ika porous e feito seni aramas ren nour tokter, ekkan kapas eis me porous e etto seni en OHA Ombuds prokram me Community Partner Outreach Prokram (noun Oregon chon ketiw ren chon angang) ren ar repwe kuna met an aramas osukosuk.

Mwirin, Oregon epwe katon ifa ukuukun an aramas tufich, kaworen aninnis ngenir, me pwan ifa ukuukun an wor tumwuneoch ngenir ren ar fori ekkei angang:

- **An aramas me nour tokter tufich:** OHA epwe katon porousan ren ar nounou en CAHP taropwen kapas eis, porousan seni en Notices of Adverse Benefit Determination ika ekkan taropwen esinesin an emon ese tufichin angei och aninnis, noun aramas taropwen fiu ngeni me ar song ngenir, fengen me angangen kapas eis ngeni met an ekkan tokter memmef.
- **Kaworan:** OHA epwe katon met porous e etto seni an ew network ponuweta met aninnis repwe awora, ukuukun ar aea ika ar rese aea ekkena aninnis, fengen me ika mei pwung ika feffetaneoch ar aninnis. Ren an ew network ponuweta kaworen ar aninnis, OHA epwe nounou ew Delivery System Network Reporting (DSN), epwe pachenong angangeoch ren kunokun me towawan, porousen an ew CCO esinesin ren fitemon aramas epwe katonong ika fitemon ra katonong; kaworen tumwuneoch ngeni aramas me ar samwau epwe pachenong chon kapas ngenir non fosun fonuwar me ar eoreni; me kaworen tumwuneoch ren sopwosopwonon ar tumwun. Ren aean ar aninnis, OHA epwe aani wowo ew angangen tumwuneochun mwokutukut ren aninnis mei auchea nge rese aea, usun ren aninnisin tumwunun semwenin netip; me an aramas me nour tokter osukosuk. Ren ar nenengeni pwungun me feffetaneochun tumwun, repwe aea ew pisekin angang ren DSN me porousen tufichin me kaworan ngeni aramas.

- **Eochun tumwun:** Ren kaworen mwoni ren tumwuneoch, ika Quality Incentive Prokram (aneani en Incentivized Equitable Care taropwe), OHA epwe katon ifa ukuukun an wor tumwuneoch meren chon CMS Medicaid me ar angang me sopwosopwun ar angang ren kaworen ew sokkun rating system ren an chon CMS angang. Angangen nengeneochu epwe fis ren tumwuneochun an wor angangeoch (mwon en angangen ekkemiis ren kaworen mwoni ren tumwuneoch ika Quality Incentive Prokram).

OHA epwe tichiki an ekkan CCO repwe foreochu ar angangen tumwun ngeni ese nifinifin ren ar epochokkuna an aramas kapas me ar repwe pwisin kefin met re mochen meren ekkan CCO (aneani en Focused Equity Investment taropwe) fengen me foreochu en Quality Incentive Prokram pwe angangan epwe anongonong won niwinin (aneani en Incentivizing Euitable Care taropwe). OHA epwe pwan awora mwonien ar atononga chon ekis, chon won fonu me kaworen porous non ar fosun fonu ren ponuwetan ar angangen Metrics me Scoring me ar Health Equity Quality Metrics Committees.

Angangen ketiw #2: Awora angangeochun tumwunun mwoni iteiten ier

Oregon epwe awora angangeochun tumwunun mwoni, pachenong tumwunun nounoun me moni tou, tumwunu an ekkan CCO komwus me tumwuneochu pwe nour mwoni epwe naaf ngeni niwinin aninnis, awora angangen achassun pwachet ren met rese kuna pwe epwe fisita, awewe ren ekkan minafo safei mei memmong nge ina esapw naaf niwinin aninnisin health ngeni meinisin ar aramas. OHA epwe aea ew focused rate me contract mechanism ren tichikin an ekkan CCO angang. Ekkan CCO resapw onussa nour mwoni ren an epwe kekiita niwinin ier me ier, Oregon epwe fori ar angangen tumwunun kaworen aninnis ngeni ese nifinifin me feffetanin nour mwoni ngeni aninnis re angei, ika mei kawor ngenir tumwun me fite re nuus non ika medical loss ratio (MLR). Oregon epwe tichiki ar nounou mwoni (ren awewe, ekukkunatiw niwinin en MLR). Pwan ew, Oregon epwe etiwa chon angangen mwoni ren an epwe kawor ngeni ekkan CCO ren fitemon aramas re awora ngenir och sokkun aninnis, ussun en aninnisin tumwunun semwenin netip ika aninnisin tumwunun ew semwen mei watte. Ren ar fori ew minafeo, mecheresin nounoun mwoni, Oregon mei sinei pwe en mwoni e no ngeni tumwuneoch me angangeoch epwe wattenno ika ekkan CCO re angangeoch me ekukkunatiw kekiin niwinin. OHA epwe sopweno ne aea ekkei pisekin angang ren ar nenengeni an ekkan CCO angang ren met mei memmong ika kaworen mwoni ngeni ion e tumwunungaw me tichiki ar repwe awora mwonien met mei meokukkun nge murinno.

Met wewen ekkei angang ngeni chon tonong non OHP

Angangen ew kefinin-meon ren pwachetin meinisin epwe awora mwoni ngeni ekkan CCO pwe chon tonong non OHP repwe angei aninniseochun tumwunun ar health, kawor ngenir angangen tumwun, pachenong kaworen aninnis ngeni ekkan ra siwini non manawar, awewe ren ekkan re tonong ika tou me non nenien kanopwuus.

Chon tonong non OHP epwe kawor ngenir sokkopaaten safei mei iiman. Epwe kawor ew sokkun safei me non ekkan kinikinin safei fengen me ekkan chon tonong non OHP repwe tongeni tingor ren pwan ew sokkun safei meren nour tokter.

Chon tonong non OHP, ar famini mer aramas unus repwe kuna wattenon mwoni tonong non neniar ren ekkan CCO ren an meoeoch me murinno ar mwoni tonong.

Emwuchunon

Non ekkei engon ier sia tou seni, ammen murinno an Oregon angang ren an kunnuseni kaworen mwoni ren ew chok sokkun angangen mwonien tumwun ngeni aramas nge nespwonon a wor tumwunungaw ngenir, ra kunnungeni angangen tumwun seni aramas samwau, aninnisin tumwunun health me kaworen sokkopaaten aninnis ren an emon epwe chikar sefan. Nge, ika mwo mei wor ei angang, an epwe wor siiwin me non an Oregon ei angangen Medicaid ese tufich, napengeni ren an mecheresingaw an epwe wor tipeew won niwinin. Oregon e tingor an epwe mecheres ketiwen ei taropwen siiwin pwe epwe tufich, pwe niwinin, kaworen mwoni (anneani en taropwen Incentivizing Equitable Care), fengen me angangan epwe chufengen ren epochokkunen an aramas health. Auwe tingor ren am aupwe tongeni foreochu niwinin ekkei safei ren an kekiita pwe ina ena watte mwoni tou iwe ese naaf mwonien tumwunun an aramas health me anonnopokun tumwun ngeni aramas unus non ach ei state. Aupwe pwan tingor ren am aupwe tongeni awora mwoni tonong ren angangen tumwunun health ngeni aramas ese nifinifin me met mei auchea ngenir, me fan nurun chon meinap non ar neni, pwe aupwe ponuweta ei ennuk HB 3353 e keran ketiw (anneani en taropwen Focused Equity Investments).

En mei tongeni angei ei taropwe non fosun fonuwomw, echo mei mesemmong makkan, makken braille ika met sokkun ke mochen. Atoura mefiom ngeni en Community Partner Outreach Prokram ikei community.outreach@dhsosha.state.or.us ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.